

Gwaith cartref – Uned 25



1. Atebwch:

i. Ble ro'ch chi'n byw pan o'ch chi'n blentyn?

.....

ii. Beth o'ch chi'n hoffi ei wneud pan o'ch chi'n blentyn?

.....

iii. Pa fath o gemau o'ch chi'n hoffi pan o'ch chi'n blentyn?

.....

2. Llenwch y bylchau:

i. Oedd hi'n bwrw cesair ddoe? (x)

ii. Mae Catrin yn (hapus) na Lowri.

iii. Maen nhw'n gweithio yma ers pum (blwyddyn)

iv. (gwneud) nhw ddim byd dros y penwythnos.

v. Ceri yw enw fy (partner).

vi. nhw yn yr ysgol yfory?

vii. Edrycha (ar) nhw!

viii. Est ti i'r dosbarth wythnos diwetha? (✓)

ix. (troi) i'r dde wrth y Ganolfan Chwaraeon os gwelwch chi'n dda!

x. hi ddim yn brysur yn y gwaith ddoe.

xi. Yng Nghaerdydd mae'r Senedd? (✓)

xii. (gweld) ti'r ffilm neithiwr?

3. Ysgrifennwch ateb i'r ebost yma:

Oddi wrth: Jac

Pwnc: Gwyliau yn y gorffennol!

Helô! Wyt ti'n gallu helpu Catrin gyda'i gwaith cartre? Rhaid iddi hi flogio am wyliau plant heddiw a phlant yn y gorffennol. Faset ti'n gallu ysgrifennu 50–60 gair yn disgrifio un gwyliau pan o't ti'n blentyn?

Wyt ti'n gallu dweud:

Ble est ti?

Beth wnest ti yno?

Pam rwy'ti'n cofio'r gwyliau yma?

Diolch!

Hwyl, Jac

4. Darllenwch yr erthygl a dewiswch yr ateb cywir.

Ffrindiau'n cwrdd o'r diwedd

Yn 1953, pan oedd hi'n ddeg oed, ysgrifennodd Nansi Jones lythyr i gylchgrawn i ferched o'r enw *Ffrindiau* yn gofyn am 'ffrind drwy'r post' neu 'pen-pal'. Ar ôl mis neu ddau, cafodd hi amlen drwy'r post o'r Alban gyda llythyr yn ôl gan ferch o'r enw Moira. Roedd y ddwy yr un oedran. Roedd y ddwy'n hoffi cerddoriaeth, ac ro'n nhw'n ysgrifennu at ei gilydd yn aml gyda newyddion am yr ysgol, y teulu a'u diddordebau nhw.

Ar ôl gadael yr ysgol, roedd y ddwy'n dal i ysgrifennu llythyrau, ond yn llai aml efallai. Aeth y ddwy i weithio: Nansi fel nyrs, a Moira mewn canolfan waith. Priododd Nansi a chael teulu yng Nghymru, a phriododd Moira yr un flwyddyn ag Albanwr, yn Glasgow. Mae un mab gyda Nansi erbyn hyn, ac un ferch gyda Moira. Yn rhyfedd iawn, cwrddodd mab Nansi â merch Moira mewn hostel yn Bangkok bum mlynedd yn ôl.

Un tro, aeth Nansi ar ei gwyliau gyda'r teulu i'r Alban i aros yn nhŷ Moira, ond roedd Moira yn Sbaen ar y pryd gyda'i theulu hi! Felly, chwrddon nhw ddim yr adeg yna. Flwyddyn arall, roedd Moira wedi dod i Gaerdydd i weld gêm rygbi, ond doedd Nansi ddim yn gallu dod yno i gwrdd â hi achos ei bod hi wedi torri ei choes.

Mae'r ddwy wedi ymddeol erbyn hyn, ac ar ôl chwe deg mlynedd o ysgrifennu at ei gilydd, penderfynon nhw fod rhaid iddyn nhw gwrdd, cyn mynd yn rhy hen. Felly, ym mis Awst eleni, daeth Moira a'i gŵr i aros yn Llangrannog gyda Nansi a'i gŵr, a chael amser bendigedig. 'O'r diwedd,' meddai Nansi, 'dyn ni wedi cwrdd. Dych chi ddim yn dod i nabod pobl yn iawn drwy ysgrifennu llythyrau... mae'n well cwrdd wyneb yn wyneb.'



Y Ganolfan
Dysgu Cymraeg
Genedlaethol —
National Centre
for Learning Welsh

www.dysgucymraeg.cymru